

‘A POSBÌA

Li cotrarèdhi d’òji no lu sannu
Quant’èra sapurìta la posbìa ,
chi ‘ntra ddicembri , quando finìa l’annu ,
jornu di San Nicola si facià .

‘Ntra l’acqua chi ggugghìa zzumparijàndu ,
‘nu mazzu di vidhòzza si cocìa ,
e , mmentri chi lu fumu jìa ‘nchianàndu ,
‘nu hjàvuru di cottu si spandià .

La mamma , cu la scusa ca pilàva ,
vicinu a la finestra la mentìa ,
e ppoi la cassalòra cumbogghiàva
e ssulu a ttarda sira la trasìa,

Currià puru la vuci ca di notti
Santu Nicòla , mu la bbenidici,
nci passava di supa e ,a qquattru bbotti ,
facià ‘na cosa mancu mu si dici ...

Ogni cosa a li santi era cuncèssu,
ma ammia se ‘ntra li bbrachi mi scappava ,
pàtrima no cercava lu permessu
e qquattru scoppulùni mi jettàva ! ...

Tantu sapuri d’undi lu pigghiàva
Pe’ nnui cotrari no nd’ avìa ‘mportanza,
la posbìa la matina md’aspettava :
gùrdati panza mia , gùrdati panza ! ...

Ognùnu si spruppava li vidhòzza ,
cchiù ssapuriti di li mustazzòla ,
‘mbivendu l’acqua frisca di la gozza
O fragulèdhu , ‘ngrogia a San Nicola !

Francesco Laruffa

www.associazionelaruffa.org